

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-16291-1/14.
Zenica, 25.08.2014. godine

ZAPISNIK

sa 178. sjednice Vlade Zeničko-dobojskog kantona održane 21.08.2014. godine

Sjednica je održana u sali 109, prvi sprat u zgradi Kantona, dana 21.08.2014. godine u trajanju od 09⁰⁸ do 10⁵⁵ sati.

Sjednicom je predsjedavao Edin Terzić, po ovlaštenju premijera Zeničko-dobojskog kantona.

Sjednici su prisustvovali članovi Vlade:

1. Muhamed Husić, ministar Ministarstva za privredu,
2. Bojan Bošnjak, ministar Ministarstva za poljoprivredu, šumarstvo i vodoprivredu,
3. Sabina Heljić, ministrica Ministarstva finansija,
4. Rifat Delić, ministar Ministarstva unutrašnjih poslova,
5. Ivica Ćurić, ministar Ministarstva za rad, socijalnu politiku i izbjeglice,
6. Mirko Trifunović, ministar Ministarstva za obrazovanje, nauku, kulturu i sport,
7. Nedžad Lokmić, ministar Ministarstva za boračka pitanja.

kao i:

1. Berjana Ačkar, sekretar Vlade,
2. Ivica Mandura, savjetnik Premijera,
3. Jasminka Ahmetspahić, viši stručni saradnik za poslove informisanja u Uredu premijera,
4. Alma Hrnjić, zapisničar.

Opravdano odsutna:

1. Senka Balorda, ministrica Ministarstva zdravstva (sjednici prisustvovala Ankica Radić ispred Ministarstva zdravstva)

Predsjedavajući je stavio na diskusiju predloženi

DNEVNI RED:

1. Verifikacija Zapisnika sa 177. sjednice Vlade Zeničko-dobojskog kantona, održane dana 14.08.2014. godine;
2. Verifikacija Zapisnika sa 31. vanredne sjednice Vlade Zeničko-dobojskog kantona, održane dana 13.08.2014. godine;
3. Izvještaj o utrošku budžetskih sredstava za period januar-juni 2014. godine planiranih u Budžetu Zeničko-dobojskog kantona za 2014. godinu, na razdjelu 21-Ministarstvo

zdravstva, budžetskoj organizaciji 01, potrošačkoj jedinici 0001, ekonomski kod 614300-«Tekući transferi neprofitnim organizacijama» i ekonomski kod 615100-„Kapitalni transferi drugim nivoima vlasti-za zdravstvo“, sa Prijedlogom Zaključka o usvajanju;

4. Prijedlog Zaključka o odobravanju novčanih sredstva za nabavku vakcina protiv bjesnila „VERORAB“.
5. Prijedlog Zaključka o davanju saglasnosti na povećanje broja studenata za upis u prvu godinu prvog ciklusa studija na Univerzitetu u Zenici u akademskoj 2014/2015. godini;
6. Prijedlog Zaključka o odobravanju novčanih sredstva Košarkaškom klubu „Kengur“ iz Zenice za organizaciju takmičenja za mlađe selekcije košarkaša pod nazivom „Kengur kup 2014“;
7. Prijedlog Zaključka o odobravanju novčanih sredstva na ime učešća u sufinansiranju projekta stambenog zbrinjavanja branilaca i članova njihovih porodica sa područja općine Zenica, naselje Šerići;
8. Prijedlog Zaključka o odobravanju novčanih sredstava Savezu RVI Zeničko-dobojskog kantona na ime sufinansiranja programa organizacije i obilježavanja Dana ratnih vojnih invalida Zeničko-dobojskog kantona;
9. Prijedlog Zaključka o odobravanju novčanih sredstava Župi Svetog Josipa Zavidovići na ime pomoći za unutrašnje uređenje crkvene zgrade i prilaza crkvi;
10. Informacija o stanju riječnih korita na području Zeničko-dobojskog kantona sa prijedlogom mjera zaštite priobalnog pojasa, sa Prijedlogom Zaključka o prihvatanju iste;
11. Prijedlog Zaključka o davanju mišljenja za zaključivanje Sporazuma o vansudskom poravnanju između dužnika „ArcelorMittal“ d.o.o. Zenica, Federalnog ministarstva poljoprivrede, vodoprivrede i šumarstva Sarajevo i Ministarstva za poljoprivredu, šumarstvo i vodoprivredu u predmetu plaćanja naknade za općekorisne funkcije šuma;
12. Prijedlog Zaključka o odobravanju sredstva na ime sanacije vodovodne i kanalizacione mreže u Mjesnoj zajednici „Želeća“, općina Žepče;
13. Upoznavanje članova Vlade sa aktima;
 - Dostava Odluke Ustavnog suda BiH AP-2457/12 od 10.06.2014. godine po apelaciji Damjanović Jasminke i dr;
 - Obavijest Ministarstva za pravosuđe i upravu upućena Visokom sudskom i tužilačkom vijeću-Uredu disciplinskog tužioca vezana za Odluku Ustavnog suda BiH AP-4099/12 od 10.04.2014. godine po apelaciji Bodul Nikice iz Zenice;
 - Zaključak općinskog Vijeća Žepče broj: 01-23-151/14 od 12.08.2014. godine.

Predložena je slijedeća dopuna dnevnog reda:

1. Prijedlog Odluke o preraspodjeli sredstava u Budžetu Zeničko-dobojskog kantona za 2014. godinu između Kantonalne direkcije za ceste i Kantonalne direkcije robnih rezervi;

Predloženo je povlačenje tačke 8 i tačke 9 prijedloga dnevnog reda:

- Prijedlog Zaključka o odobravanju novčanih sredstava Savezu RVI Zeničko-dobojskog kantona na ime sufinansiranja programa organizacije i obilježavanja Dana ratnih vojnih invalida Zeničko-dobojskog kantona;
- Prijedlog Zaključka o odobravanju novčanih sredstava Župi Svetog Josipa Zavidovići na ime pomoći za unutrašnje uređenje crkvene zgrade i prilaza crkvi;

U diskusiji su učestvovali: predsjedavajući, ministar Ministarstva za rad, socijalnu politiku i izbjeglice i ministar Ministarstva za boračka pitanja.

Članovi Vlade su se usaglasili sa predloženom dopunom dnevnog reda i prijedlogom kojim se povlače tačka 8 i tačka 9, te je za sjednicu jednoglasno usvojen slijedeći

DNEVNI RED :

1. Verifikacija Zapisnika sa 177. sjednice Vlade Zeničko-dobojskog kantona, održane dana 14.08.2014. godine;
2. Verifikacija Zapisnika sa 31. vanredne sjednice Vlade Zeničko-dobojskog kantona, održane dana 13.08.2014. godine;
3. Izvještaj o utrošku budžetskih sredstava za period januar-juni 2014. godine planiranih u Budžetu Zeničko-dobojskog kantona za 2014. godinu, na razdjelu 21-Ministarstvo zdravstva, budžetskoj organizaciji 01, potrošačkoj jedinici 0001, ekonomski kod 614300-«Tekući transferi neprofitnim organizacijama» i ekonomski kod 615100-„Kapitalni transferi drugim nivoima vlasti-za zdravstvo“, sa Prijedlogom Zaključka o usvajanju;
4. Prijedlog Zaključka o odobravanju novčanih sredstva za nabavku vakcina protiv bjesnila „VERORAB“.
5. Prijedlog Zaključka o davanju saglasnosti na povećanje broja studenata za upis u prvu godinu prvog ciklusa studija na Univerzitetu u Zenici u akademskoj 2014/2015. godini;
6. Prijedlog Zaključka o odobravanju novčanih sredstva Košarkaškom klubu „Kengur“ iz Zenice za organizaciju takmičenja za mlađe selekcije košarkaša pod nazivom „Kengur kup 2014“;
7. Prijedlog Zaključka o odobravanju novčanih sredstva na ime učešća u sufinansiranju projekta stambenog zbrinjavanja branilaca i članova njihovih porodica sa područja općine Zenica, naselje Šerići;
8. Informacija o stanju riječnih korita na području Zeničko-dobojskog kantona sa prijedlogom mjera zaštite priobalnog pojasa, sa Prijedlogom Zaključka o prihvatanju iste;
9. Prijedlog Zaključka o davanju mišljenja za zaključivanje Sporazuma o vansudskom poravnanju između dužnika „ArcelorMittal“ d.o.o. Zenica, Federalnog ministarstva poljoprivrede, vodoprivrede i šumarstva Sarajevo i Ministarstva za poljoprivredu, šumarstvo i vodoprivredu u predmetu plaćanja naknade za općekorisne funkcije šuma;
10. Prijedlog Zaključka o odobravanju sredstva na ime sanacije vodovodne i kanalizacione mreže u Mjesnoj zajednici “Želeća”, općina Žepče;
11. Prijedlog Odluke o preraspodjeli sredstava u Budžetu Zeničko-dobojskog kantona za 2014. godinu, između Kantonalne direkcije za ceste i Kantonalne direkcije robnih rezervi;
12. Upoznavanje članova Vlade sa aktima;
 - Dostava Odluke Ustavnog suda BiH AP-2457/12 od 10.06.2014. godine po apelaciji Damjanović Jasminke i dr;
 - Obavijest Ministarstva za pravosuđe i upravu upućena Visokom sudskom i tužilačkom vijeću-Uredu disciplinskog tužioca vezana za Odluku Ustavnog suda BiH AP-4099/12 od 10.04.2014. godine po apelaciji Bodul Nikice iz Zenice;
 - Zaključak općinskog Vijeća Žepče broj: 01-23-151/14 od 12.08.2014. godine.

Prva tačka dnevnog reda

Vlada je jednoglasno usvojila Zapisnik sa 177. sjednice Vlade Zeničko-dobojskog kantona održane dana 14.08.2014. godine;

Druga tačka dnevnog reda

Vlada je jednoglasno usvojila Zapisnik sa 31. vanredne sjednice Vlade Zeničko-dobojskog kantona održane dana 13.08.2014. godine;

Treća tačka dnevnog reda

Obrazloženje za ovu tačku dnevnog reda dala je Ankica Radić ispred Ministarstva zdravstva. U diskusiji je učestvovao predsjedavajući.

Vlada je jednoglasno donijela Zaključak kojim se usvaja Izvještaj o utrošku budžetskih sredstava za period januar-juni 2014. godine planiranih u Budžetu Zeničko-dobojskog kantona za 2014. godinu („Službene novine Zeničko-dobojskog kantona“, broj: 15/13) na razdjelu 21-Ministarstvo zdravstva, budžetskoj organizaciji 01, potrošačkoj jedinici 0001, ekonomski kod 614300-«Tekući transferi neprofitnim organizacijama» i ekonomski kod 615100-„Kapitalni transferi drugim nivoima vlasti-za zdravstvo“, koji čini sastavni dio ovog zaključka. Zaključak stupa na snagu danom donošenja.

i Zaključak kojim se zadužuje Ministarstvo finansija da u skladu sa visinom punjenja Budžeta planira i izvršava obaveze po Tekućim transferima Ministarstva zdravstva, a posebno prema Kantonalnom zavodu za medicinu rada i sportsku medicinu, Kantonalnom zavodu za javno zdravstvo i Kantonanom zavodu za bolesti ovisnosti, obzirom da ni minimalni troškovi nisu izmireni do 30.06.2014. godine. Zadužuje se Ministarstvo zdravstva da prati nivo punjenja Budžeta i shodno tome blagovremeno predlaže Ministarstvu finansija izvršavanje obaveza po tekućim transferima, koje će prilikom sačinjavanja operativnih planova planirati sredstva za iste, u skladu sa visinom ostvarenih priliva u Budžet Zeničko-dobojskog kantona. Zaključak stupa na snagu danom donošenja.

Četvrta tačka dnevnog reda

Obrazloženje za ovu tačku dnevnog reda dala je Ankica Radić ispred Ministarstva zdravstva.

U diskusiji su učestvovali: ministar Ministarstva za poljoprivredu, šumarstvo i vodoprivredu i predsjedavajući.

Vlada je jednoglasno donijela Zaključak kojim se odobravaju sredstva u visini od 30.000,00 KM (slovima: tridesethiljada konvertibilnih maraka) za nabavku vakcina protiv bjesnila „VERORAB“.

Sredstva iz tačke I ovog Zaključka isplatit će se iz sredstava Budžeta Zeničko-dobojskog kantona za 2014. godinu, razdjel 21-Ministartvo zdravstva, budžetska organizacija 01, potrošačka jedinica 0001, ekonomski kod 614300, subanalitika LAX 0001 – Tekući transfer za nabavku vakcina. Nabavku vakcina će izvršiti Kantonalni zavod za javno zdravstvo Zenica. Zadužuju se Kantonalni zavod za javno zdravstvo Zenica, Ministarstvo zdravstva i Ministarstvo finansija da u skladu sa zakonom i podzakonskim aktima realizuju ovaj zaključak svako u okviru svojih nadležnosti. Zaključak stupa na snagu danom donošenja.

Peta tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

U diskusiji su učestvovali: ministar Ministarstva za boračka pitanja, ministar Ministarstva za poljoprivredu, šumarstvo i vodoprivredu i predsjedavajući.

Vlada je jednoglasno donijela Zaključak o davanju saglasnosti na povećanje broja studenata za upis u prvu godinu prvog ciklusa studija na Univerzitetu u Zenici u akademskoj 2014/2015. godini.

U skladu s tačkom II. Zaključka Vlade Zeničko-dobojskog kantona, broj: 02-38-10715/14 od 22.05.2014. godine, daje se saglasnost na povećanje broja studenata za upis u prvu godinu prvog ciklusa studija na Univerzitetu u Zenici u akademskoj 2014/2015. godini:

RB	Fakultet	Studijski program	Redovni studenti-finansira Osnivač
1.	Filozofski fakultet	Razredna nastava	3
		Engleski jezik i književnost	2

		Matematika i informatika	1
		Njemački jezik i književnost	1
		Kulturalni studiji	5
		Turski jezik i književnost	3
	Ekonomski fakultet	Računovodstveni i revizijski menadžment	1
		Menadžment preduzećima	4
	Islamski pedagoški fakultet	Predškolski odgoj i obrazovanje	5
		Islamska vjeronauka	1
		Socijalna pedagogija	5
	Politehnički fakultet	Proizvodni biznis	1
	Pravni fakultet		5
	Zdravstveni fakultet		2
UKUPNO:			39

Povećanje broja studenata za upis u prvu godinu prvog ciklusa studija na Univerzitetu u Zenici u akademskoj 2014/2015. godini odnosi se na kategorije djece šehida, poginulih branilaca, umrlih ratnih vojnih invalida i umrlih demobilisanih branilaca, koja su položila prijemni ispit, a zbog nedovoljnog broja bodova nisu ostvarila pravo na prijem (Politehnički fakultet i Zdravstveni fakultet), kao i kandidata koji nisu ostvarili potreban broj bodova po općem i posebnom kriteriju na fakultetima na kojima nije bilo prijemnog ispita (Filozofski fakultet, Pravni fakultet, Ekonomski fakultet i Islamski pedagoški fakultet). Omogućava se upis do pet studenta po studijskom programu, a prema broju ostvarenih bodova.

Zadužuju se Univerzitet u Zenici i Ministarstvo za obrazovanje, nauku, kulturu i sport da realizuju ovaj zaključak u skladu sa zakonom i podzakonskim aktima, svako u okviru svojih nadležnosti. Zaključak stupa na snagu danom donošenja.

Šesta tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak kojim se odobravaju sredstva Košarkaškom klubu „Kengur“ iz Zenice, u iznosu od 2000,00 KM (slovima: dvijehiljade konvertibilnih maraka) za organizaciju takmičenja za mlađe selekcije košarkaša pod nazivom „Kengur kup 2014“.

Odobrena sredstva isplatiti po osnovu Budžeta Zeničko-dobojskog kantona za 2014. godinu, sa razdjela 22, Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614300, subanalitika MAX 002 pozicija „Transfer za sport“. Sredstva uplatiti na račun broj: 134-010-0000065207

Zadužuju se Ministarstvo za obrazovanje, nauku, kulturu i sport i Ministarstvo finansija da u skladu sa zakonom i podzakonskim aktima realizuju ovaj zaključak svako u okviru svojih nadležnosti. Korisnik sredstava je dužan resornom ministarstvu najkasnije tri mjeseca po primitku sredstava dostaviti izvještaj o namjenskom utrošku sredstava. Zaključak stupa na snagu danom donošenja.

Sedma tačka dnevnog reda

Obrazloženje za ovu tačku dnevnog reda dao je Nedžad Lokmić, ministar Ministarstva za boračka pitanja.

U diskusiji su učestvovali: predsjedavajući i sekretar Vlade.

Vlada je jednoglasno uz predloženu dopunu ministra Ministarstva za boračka pitanja da se u dostavljanom prijedlogu doda i davanje saglasnosti ministru za potpisivanje Ugovora donijela Zaključak kojim se odobravaju novčana sredstva u ukupnom iznosu od 40.000,00 KM (slovima: četrdesethiljada konvertibilnih maraka) Općini Zenica, u svrhu učešća u sufinansiranju projekta stambenog zbrinjavanja branilaca i članova njihovih porodica sa područja općine Zenica, naselje Šerići čiji su stambeni objekti usljed pojave klizišta u cjelosti porušeni ili su oštećeni u mjeri da njihova sanacija nije moguća i to za:

1. Vahid Mešinović, sin Hasana, demobilizirani branilac- 8.000,00 KM
2. Mustafa Bošnjak, sin Smaje, demobilizirani branilac- 8.000,00 KM
3. Đemil Garanović, sin Šefika, demobilizirani branilac- 8.000,00 KM
4. Ismet Husejinović, sin Mule, demobilizirani branilac- 8.000,00 KM
5. Safet Husejinović, sin Derviša, demobilizirani branilac-8.000,00 KM

Daje se saglasnost ministru Ministarstva za boračka pitanja da potpiše Ugovor sa Općinom Zenica u svrhu realizacije Projekta iz tačke I ovog zaključka.

Sredstva iz tačke I Zaključka isplatit će se iz Budžeta Zeničko-dobojskog kantona za 2014. godinu sa razdjela 24, budžetska organizacija 01, potrošačka jedinica 0001, ekonomski kod 614200, subanalitika OAD 208 "Pomoć u rješavanju stambenog pitanja" Ministarstva za boračka pitanja.

Uplata sredstava bit će izvršena na račun Općine Zenica, s naznakom "uplata za realizaciju Projekta Šerići", a nadležna Služba za boračko-invalidsku zaštitu Općine obavezuje se za realizaciju i praćenje utrošaka sredstava za korisnike iz tačke I Zaključka, za što je po okončanju projekta obavezna izvještaj sa dokazima o namjenskom utrošku sredstava dostaviti Ministarstvu za boračka pitanja u roku od 15 dana, od dana izvršene doznake sredstava na račun Općine.

Zadužuju se Ministarstvo za boračka pitanja i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svojih nadležnosti. Zaključak stupa na snagu danom donošenja.

Osma tačka dnevnog reda

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

U diskusiji su učestvovali: ministar Ministarstva za rad, socijalnu politiku i izbjeglice, ministar Ministarstva za obrazovanje, nauku, kulturu i sport, sekretar Vlade i predsjedavajući.

Vlada je sa jednim glasom „protiv“ i šest glasova „za“ donijela Zaključak kojim se prima na znanje Informacija Ministarstva za poljoprivredu, šumarstvo i vodoprivredu o stanju riječnih vodotoka na području Zeničko-dobojskog kantona sa prijedlogom mjera zaštite priobalnog pojasa. Informacija iz tačke I čini sastavni dio ovog Zaključka. Zaključak stupa na snagu danom donošenja.

i Zaključak kojim se zadužuje Ministarstvo za poljoprivredu, šumarstvo i vodoprivredu da sačini Informaciju o stanju riječnih vodotoka na području Zeničko-dobojskog kantona nakon poplava sa prijedlogom hitnih mjera za sprečavanje i otklanjanje posljedica majsko-junskih i julsko-augustovskih poplava. Zaključak stupa na snagu danom donošenja.

Deveta tačka dnevnog reda

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

U diskusiji su učestvovali: predsjedavajući i sekretar Vlade.

Vlada je jednoglasno uz predložene izmjene donijela Zaključak kojim je Vlada Mišljenja da Kantonalno pravobranilaštvo Zenica može zaključiti Sporazum o vansudskom poravnanju između

dužnika „ArcelorMittal“ d.o.o. Zenica, Ulica Bulevar Kralja Tvrtka I broj 17, Zenica, s jedne strane i povjerilaca: Federacije Bosne i Hercegovine, Federalnog ministarstva poljoprivrede, vodoprivrede i šumarstva Sarajevo i Zeničko-dobojskog kantona, Ministarstva za poljoprivredu, šumarstvo i vodoprivredu koga zastupa Kantonalno pravobranilaštvo Zenica, s druge strane, u predmetu plaćanja naknade za općekorisne funkcije šuma.

Sastavni dio ovog Zaključka čini prijedlog vanskudske nagodbe o izmirenju duga „ArcelorMittal“ d.o.o. Zenica po osnovu naknada za općekorisne funkcije šuma, sačinjen od strane Kantonalnog pravobranilaštva Zenica, saglasno Zaključku Vlade Zeničko-dobojskog kantona broj: 02-14-2833/13 od 31.01.2013. godine.

Zadužuju se Kantonalno pravobranilaštvo Zenica i Ministarstvo za poljoprivredu, šumarstvo i vodoprivredu-Kantonalna uprava za šumarstvo Zeničko-dobojskog kantona da u skladu sa zakonom i podzakonskim aktima realizuju ovaj zaključak svako u okviru svoje nadležnosti.

Ovim Zaključkom stavlja se van snage Zaključak Vlade Zeničko-dobojskog kantona broj: 02-14-2833/13 od 31.01.2013. godine. Zaključak stupa na snagu danom donošenja.

10. tačka dnevnog reda

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

U diskusiji je učestvovao: ministar Ministarstva za obrazovanje, nauku, kulturu i sport.

Vlada je jednoglasno donijela Zaključak kojim se odobravaju sredstva u iznosu do 5.000,00 KM (slovima: pethiljada konvertibilnih maraka) za sanaciju vodovodne i kanalizacione mreže u Mjesnoj zajednici „Želeća“, općina Žepče iz sredstava „Otklanjanje posljedica od poplava“, Izmjena Programa utroška sredstava vodnih naknada za 2014. godinu-tačka „A“.

Sredstva iz tačke I ovog Zaključka isplatiti će se iz sredstava Budžeta Zeničko-dobojskog kantona za 2014. godinu, razdjel 23, budžetska organizacija 01, potrošačka jedinica 0001, ekonomski kod 614400, subanalitika NAD 403, pozicija „Namjenska sredstva za finansiranje projekata iz sredstava posebnih vodnih naknada“ iz sredstava „Otklanjanje posljedica od poplava“, Izmjena Programa utroška sredstava vodnih naknada za 2014. godinu-tačka „A“, na račun Mjesne zajednice „Želeća“, općina Žepče.

Sredstva iz tačke II. ovog zaključka prebacit će se na račun Mjesne zajednice „Želeća“, općina Žepče, koja je dužna da izvještaj o namjenskom utrošku sredstava odobrenih ovim zaključkom, dostavi Ministarstvu za poljoprivredu, šumarstvo i vodoprivredu, najkasnije do 30.09.2014. godine.

Zadužuju se Ministarstvo za poljoprivredu, šumarstvo i vodoprivredu i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svojih nadležnosti. Zaključak stupa na snagu danom donošenja.

11. tačka dnevnog reda

Obrazloženje za ovu tačku dnevnog reda dao je Edin Terzić predsjedavajući i ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Odluku o preraspodjeli sredstava u Budžetu Zeničko-dobojskog kantona za 2014. godinu kako slijedi

Odobrava se preraspodjela sredstava planiranih u Budžetu Zeničko-dobojskog kantona za 2014. godinu („Službene novine Zeničko-dobojskog kantona“, broj 15/13) između budžetskih korisnika: Kantonalna direkcija za ceste i Kantonalna direkcija robnih rezervi.

Preraspodjela sredstava u Budžetu Zeničko-dobojskog kantona za 2014. godinu vrši se na sljedeći način:

- na razdjelu 19, budžetska organizacija 03, potrošačka jedinica 0001 – Kantonalna direkcija za ceste, rashodi planirani na na poziciji 821600 – Rekonstrukcija i investiciono održavanje umanjuju se za 250.000,00 KM
- na razdjelu 25, budžetska organizacija 01, potrošačka jedinica 0001 – Kantonalna direkcija robnih rezervi, rashodi planirani na poziciji 613400 – Nabavka materijala uvećavaju se za 182.500,00 KM

- na razdjelu 25, budžetska organizacija 01, potrošačka jedinica 0001 – Kantonalna direkcija robnih rezervi, rashodi planirani na na poziciji 613500 – Izdaci za usluge prevoza i goriva uvećavaju se za 67.500,00 KM.

Zadužuju se Kantonalna direkcija za ceste, Kantonalna direkcija robnih rezervi i Ministarstvo finansija da u skladu sa zakonom i podzakonskim aktima realizuju ovu odluku, svako u okviru svoje nadležnosti.

Ova Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

12. tačka dnevnog reda

Članovi Vlade upoznati su sa dostavljenim materijalima pod ovom tačkom dnevnog reda.

Diskutovali su: predsjedavajući, ministar Ministarstva za rad, socijalnu politiku i izbjeglice, sekretar Vlade i ministrica Ministarstva finansija.

Predsjedavajući je zaključio sjednicu u 11⁵⁵ sati.

SEKRETAR VLADE

Berjana Ačkar

PREMIJER

Munib Husejnagić, dipl.ing.maš.

ZAPISNIČAR

Alma Hrnjić